

убо, яко же слышимъ, при пресловутыхъ царѣхъ Александрѣ Маке(до)нь-
стѣм и Августѣ кесарѣ. Утішила же и при тебѣ, благовѣрнѣйшій
самодръжче нашъ от различныхъ злобы и неправодѣльства велеименитаа
страна всея Рус(и), управляема предобрѣйшѣ твоими премудрыми умысле-
ніи и велѣніи, по ихъ же уповаемъ извѣстно, яко и горы словеніи въспри-
имутъ людемъ съвршѣнный (л. 304) мир и холми сущей о благовѣрнѣй
дръжавѣ твоей славніи князи и велможи възлюбятъ всяку правду, повиную-
щися твоимъ праведнѣйшимъ уставомъ и велѣніемъ взирающе на твое челоуѣко-
любнѣйше изволеніе, якоже на доброту одушевленную и образъ самыа
божественнаа благодати, из нея же невидимо озаряемъ велемудренный и
быстрѣйшій умъ твой царскій. Всѣхъ преимѣши и всѣхъ одолеваеши
яко же царскимъ саномъ, тако же превъсходиши всѣхъ и разумомъ и пре-
мудростію божественою и благодію къ всѣмъ требующимъ твоея благо-
лѣпныа помощи царскыа, ея же да сподоблюся получитьи и азъ, окаянный,
лѣта ужъ доволна удръжимъ и различными обстояніи озлобляемъ и якоже
лодіа въ пучинѣ безпрестанно обуреваемъ всякими тревоженіи. Ущедри
мя, благовѣрнѣйшій царю, и многолѣтнаго озлобленіа благоизволи избавити
мя щедротъ ради всемилостиваго бога, да и с. веселымъ сердцемъ обил-
нѣйшихъ приношаю вышнему яже о¹ твоей благовѣрнѣй дръжавѣ длъжныхъ
молитвахъ, ихъ же николи же престахъ принося вышнему, якоже свѣсть иже
вся свѣдѣй, яко не лъжу. Аще и не сподобихся видѣти царское твое лице
по моимъ грѣхомъ, а слышаніемъ твоихъ всехвалныхъ исправленій и строеній
радости духовныа...²

3

Об Александре Македонском

По рукописи Публ. библ. им. Ленина в Москве, б. Румянц. музея № 264.

(л. 18). Александръ Македонскій, царь велик и преславенъ, егда вси
государи греческыа земли зговоромъ и единомысліемъ избрали его царя и
государя над собою, греческою земл(е)ю, и его отпустили противу персід-
скую дръжаву, и събралися о немъ число премного благородныхъ государехъ
и княз и властелехъ, и видѣвъ Александръ усердіе и рѣзвость ихъ, что
готови вси головы своя положить за отечество свое, сирѣч, да избавятъ
греческую землю от частыхъ находженій и плѣненійхъ персідскихъ, и по-
хваливъ мысль ихъ, все царство свое Македонское, рекше грады, волосте и

¹ Испр., в рукоп. от.

² Текст обрывается, вероятно, недостает слова «исполнился».